

## გასაგზავნად აკრძალული და პირობითად დაშვებული საქონლის ჩამონათვალი

- სახმელეთო ამანათით დაუშვებელია იმ საგნების, ნივთიერებების, ცხოველების, პროდუქტების ან მასალების გაგზავნა, რაც სტანდარტულად აკრძალულია საფოსტო გზავნილებით გაგზავნისას (<https://www.gpost.ge/Content/ContentFiles/e95a4c9b40bc81a1d822ba4d41025f27.pdf>).

გარდა ამისა, ასევე დაუშვებელია შემდეგი საგნების გაგზავნა:

- თამბაქო და თუთუნი;
- ხორცი და ხორცის ნაწარმი, გარდა 3 კგ-მდე ტექნოლოგიური დამუშავების შედეგად მიღებული შებოლილი, დამარილებული ან გამხმარი ხორცისა;
- არაქარხნული წარმოების ნებისმიერი სითხე, რომელშიც დუღილი არ არის დასრულებული ან ის გაზირებულია (მათ შორის: მადულარი ტკბილი; მაჭარი; ცქრიალა ღვინო; ბადაგი და სხვა);
- ძვირფასი ლითონი და/ან ქვები, ასევე მათი ნაკეთობები;

- ქვემოთ ჩამოთვლილი პროდუქტების/ნივთების გაგზავნა დასაშვებია მხოლოდ შემდეგი ოდენობით და პირობებით (თუ დამატებითი აკრძალვა არ მოქმედებს კონკრეტულ ქვეყანასთან მიმართებაში):

- თაფლი არაუმეტეს 1/2კგ-სა;
- ნებისმიერი სახის ყველი - არაუმეტეს 2 კგ-სა (მოთავსებული ჰერმეტიკულად, დახურულ პლასტმასის კონტეინერში, სითხის გარეშე);
- ალკოჰოლური სასმელებიდან:

(ა) ღვინო და ლუდი, ჯამში - არაუმეტეს 5 (ხუთი) ლიტრისა. ამასთან:

- არაქარხნული წარმოების ასეთისასმელი მოთავსებული უნდა იყოს პლასტმასის ბოთლ(ებ)ში ისე, რომ ერთეული პლასტმასის ბოთლის მოცულობა არ უნდა აღემატებოდეს 3 (სამი) ლიტრს, ხოლო, ღვინის საერთო მოცულობამ ერთ გზავნილში არ უნდა გადააჭარბოს 5 (ხუთი) ლიტრს;
- ქარხნულად ჩამოსხმული სასმელის (ღვინო და ლუდი) რაოდენობა არ უნდა აღემატებოდეს 2 (ორი) ბოთლს ისე, რომ საერთო მოცულობამ არ გადააჭარბოს 5 (ხუთი) ლიტრს.

(ბ) სხვა ნებისმიერი სახის ალკოჰოლური სასმელი - არაუმეტეს 1 (ერთი) ლიტრისა. ამასთან, არაქარხნული წარმოების ასეთი სასმელი მოთავსებული უნდა იყოს პლასტმასის ბოთლში.

- სხვა თხევადი და ბლანტი სახის კვების პროდუქტები - მოთავსებული პლასტმასის ბოთლებში;

➤ **სახმელეთო ამანათით მედიკამენტების გაგზავნა (თუ დამატებითი აკრძალვა არ მოქმედებს კონკრეტულ ქვეყანასთან მიმართებაში)**

- აკრძალულია ნარკოტიკული ან/და ფსიქოტროპული ნივთიერების შემცველი მედიკამენტების გაგზავნა.
- მედიკამენტების გაგზავნა შესაძლებელია მხოლოდ დამოუკიდებელი სახმელეთო ამანათის სახით. მასთან ერთად სხვა რაიმე საქონლის/პროდუქტის გაგზავნა დაუშვებელია.
- მედიკამენტების გაგზავნა დასაშვებია მხოლოდ ქარხნული შეფუთვით და არაუმეტეს 300 გრამისა. ამასთან:
  - ა) ერთი სახეობის აბები - არ უნდა აღემატებოდეს 10 (ათი) ფირფიტას;
  - ბ) სხვა ტიპის (მათ შორის, სითხის შემცველი) მედიკამენტები - არ უნდა აღემატებოდეს 300 გრამს.

➤ **სახმელეთო ამანათით დოკუმენტების გაგზავნა (თუ დამატებითი აკრძალვა არ მოქმედებს კონკრეტულ ქვეყანასთან მიმართებაში)**

- დაუშვებელია პირადობის დამადასტურებელი ნებისმიერი დედანი დოკუმენტის (პასპორტი; პირადობის მოწმობა; ბინადრობის მოწმობა; მართვის მოწმობა და სხვა) გაგზავნა. ნებისმიერი სხვა სახის დოკუმენტი შესაძლებელია გაიგზავნოს მხოლოდ სხვა სახის საქონელთან/პროდუქტთან ერთად.